

Fischart, Johann: Sonder die frechlich vnderstahn (1568)

- 1 Sonder die frechlich vnderstahn,
- 2 Sich wider gsatz vnd ohn all wal
- 3 Zustecken in geschäft vberal,
- 4 Den, sag ich, soll man widerstahn,
- 5 Weil jhn der gewalt nicht zu wil stahn.
- 6 Darumb nur, jr Frantzosen, dran,
- 7 Erweist, das Hanen muth jr han,
- 8 So wirdt euch alles glück zugahn.
- 9 Erweist, das jhr von Teutschen kommen,
- 10 Von Francken frey, den alten, frommen.
- 11 Dann so kein frembden Han jhr duldet,
- 12 Der euch hersch, wann er euch nicht huldet,
- 13 Wie solt jhr nicht die Henn verdammen,
- 14 So frembd die Hanen hetzt zusammen,
- 15 Daß sie einander selbs erlamen
- 16 Vnd gar außrotten jhren Stammen?
- 17 Derhalben dran ins Herren Namen,
- 18 Secht, ob man ein wild Henn mag zamen
- 19 Vnd jhren grimmigen Eysersamen.

(Textopus: Sonder die frechlich vnderstahn. Abgerufen am 23.01.2026 von <https://www.textopus.de/poems/32254>)